



**INKATHA
FREEDOM
PARTY**

IFP.ORG.ZA

LEANO LA DINTLHA

TSE 13 TSA IFP

LA DITLHOPHO TSA BOSETŠHABA LE DIPOROFENSE





LENAANE LA DITENG

| | |
|---|----|
| LEKWALO GO TSWA GO MOPRESIDENTE | 03 |
| MAITLAMO A RONA GO LONA GO AGA SEŠWA AFORIKABORWA | 05 |
| DINGWE TSA DINTLHAKGOLO TSA LEANO LA DINTLHA TSE 13 | 06 |
| DITIRO | 07 |
| BOSENYI, BOBODU LE TKB | 09 |
| BATSWANTLE BA BA SENG MOLAONG | 11 |
| THEPOSOMOTLAKASE | 13 |
| THUTO | 15 |
| BOITENAKELO | 18 |
| BONNOBATHO | 20 |
| DIKAGO | 22 |
| DIPALANGWA | 24 |
| BOETELEDIPELE BA SETSO LE PUSO | 26 |
| PHITLHELELO YA LEFATSHE | 28 |
| TIKOLOGO | 30 |
| WENA LE ISAGO YA GAGO | 32 |
| TSHEPA DITSHUPO TSA DITIRO TSA RONA | 34 |

LEKWALO GO TSWA GO MOPRESIDENTE

MaAforikaborwa mmogo le nna,

E ka nna dingwaga tse sometlhano, Inkatha Freedom Party, e e tlhamilweng ke Morwakgosi Mangosuthu Buthelezi, e ntse e rotloetsa temokerasi, boipuso le bosiamisi, go direla bathhoki le ba ba boantlha, e ntse e tlhama naga e botlhe re ka tswelatang. IFP ke letlotlo le legolo la Morwakgosi Buthelezi. Ka 2024, re tswelatsa pele letlotlo le.

IFP e nnile le tshusumetso e e maatla mo Aforikaborwa. Go simolola ka ntwaga ya tokologo, re sireleditse boagi jwa dimilione tsa MaAforikaborwa a a neng a kgethololwa; a puso ya pateletso e neng e batla go ba dira matswantle mo lefatsheng la rona.

Kwa tafoleng ya ditherisanong, e nnile IFP e e sireleditseng go tlhamiwa ga diporofense le go akarelediwa ga Tlhomamiso ya Ditshwanelo tsa Botho mo Molaotheong wa rona wa temokerasi. Jaaka karolo ya Pusotlhakanelo ya Bosetšhaba, re kgonne go fetola molao otlhe wa Aforikaborwa go supa meono ya temokerasi ka molaotheo.

Mo KwaZulu-Natal, re busitse dingwaga tse lesome, re godisa ikonometri ya porofense le go baya maatla a go busa mo diatleng tsa batho.

Ka tshimologo e e maatla e, go utlwile bothoko thata go bona Aforikaborwa e gapelwa tatlhegong ke mokgatlo wa bontsi o o tlhapetsweng ke maatla. Mo dingwageng tse sometharo tse di fetileng, ikonometri ya naga ya rona e wetse tlase; bosenyi – go akaretsa ke melato kgatlanong le basadi le bana – e runtse, bobodu bo itsetletse, le ditirelo tsa motheo e setse e le tsholofelo fela.

Ka 2024, bothokwa jwa go fetola puso bo tseuletse.

Mo dingwageng tse sometharo, IFP e ntse e le lekokokganetso le le bonalang, le dira gore puso e nna le maikarabelo. Re nnile sekao sa boeteledipele ka metlha; re supa se puso e e nang le seriti e ka se direlang Aforikaborwa.

Ka 2024, re go laetsa go busetsa seriti mo pusong ka go tlhophisa IFP.

Go tlhophisa IFP ka 2024, mo dipampiritlhophong tsa bosetšhaba le porofense, go tla matlafatsa lentse la seriti mo pusong e e tlang. Meono ya IFP e tlhametswe mo motheong wa ubuntu/ botho le seriti, e bile ke sona bogolo segolo se se tlhaelang mo pusong.

Ka jalo, ke go laletsa go tlohpha Puso e ntšhwa. Tlhohela phetogo. Mme godimo ga tsotlhe, tlohpa go busetsa seriti ka go tlohpha IFP.

**RRE VELENKOSINI HLABISA TP
MOPRESIDENTE**

TSHWARAGANA LE RONA

JAAKA RE AGA SEŠWA AFORIKABORWA



MAITLAMO A RONA GO WENA

GO AGA SEŠWA AFORIKABORWA

Mo setšhabeng se se lokologileng sa temokerasi, ditlhopho tsa rona di laola bokamoso jwa rona.

Ditlhopho tse, e tla nna ditlhopho tse di botlhokwa tota morago ga tlhabo ya temokerasi ya rona. Naga ya rona e mo losing lwa go nna mmuso o o retetseng. Ka jalo, ditlhopho tse di tla nna le kutlwalo e e boteng, e e tla amang lotso lwa jaanong le isago.

Mo pakeng e e botlhokwa e, e bokamoso jwa rona botlhe bo leng mo matshosetsing, IFP e go kopa gore o dirisane le yona go lere bokamoso jo bontle jo bo kgonegang. Re tsena mo ditlhophong tse re dumela gore ke nako ya go etelelsa MaAforikaborwa pele.

IFP e dumela gore ga go bokamoso jo bo sireletsegileng go karolo nngwe ya setšhaba, mme e nngwe e kgethololwa. Ga go bokamoso jwa metsesetoropo bo bo tlhotlholang baagi a metsemagae. Boyo ba rona rotlhe bo lopa kemo e e kwa godimo ya ikemisetso. IFP e tsaya ubuntu / botho jaaka motheo wa katlego ya kamoso.

Re tsena mo ditlhophong tse re ikaegile ka letlotlo la Mothei wa rona, moswi Morwakgosi Mangosuthu Buthelezi. Mothei wa rona o pheletse mo tirelong ya setšhaba. O ne a dumela mo mekgweng e e diregang e e matlafatsang maAforikaborwa go ithusa le boikaego.

Jaaka motemokerasi, Morwakgosi Buthelezi o ne a itlamilile go etelela pele ka seriti, le go direla. Maitlamo a, e sa le pinagare ya maitlamo a IFP. Ka jalo, ga re go solofetse sengwe se re ka se se direng.

Go etlelsa manaane a rona, re tla simolola ka tlhamosešwa e e matlhagatlhaga ya ikonomi le taoloditšhelete. Re tla fokotsa Mafapha a Puso le tirisoditšhelete e e feteletseng. Re tla tsena mo ditirisanong tsa setšhaba mmogo le sebele, le Ditlamo tsa Puso tse di palelwang boemong jwa go di falosa. Re tla epolola bobodu le tirisoditšhelete, le go khutlisa tlwaelo ya tirisotlase e e sa amogelesegeng ya ditšhelete e e tlišang pusetso morago ya madi kwa taoloditšhelete. Re tla dirisa sente nngwe le nngwe ya baduelalekgetho ka botlhale.

Re dira maitlamo a go wena gonne, baeteledipele le baemedi ba IFP ke batlhankedi ba setšhaba. IFP e dumela gore o tshwanetswe ke puso e e go direlang ka seriti, puso e o ka e Tshepang.

GO LEANO LA DINTLHA SOMETHARO

- 1** IFP e tla aga sešwa ikonomi ka go **fedisa thefosomotlakase** ka thulaganyo ya motswako wa maatla, o o farologantswe.
- 2** IFP e tla baya MaAforikaborwa kwa pele ka go ba **beela ditšhono tsa ditiro** le mmaraka wa ditlamopotlana **go MaAforikaborwa**; re ntse re diragatsa moono wa 60/20 wa thapo ya MaAfroikaborwa mo ditlamong tsotlhe.
- 3** IFP e tla tokafatsa thulaganyo ya boitekanelo, le go eteletsatsa bagodi le bana ba ba boantlha ka go **oketsa tlamelo ya bagodi le bana**, re ntse re **atolosa thulaganyo ya ditshupo** ya malapa a a tlhokang.
- 4** IFP e tla eteletsatsa baagi ba batlhoki ba metsetoropo le magae, le go dirisana mmogo go tshegetsatsa Baetedipele ba Setso.
- 5** E tla tswelela go buelela tshireletso le tshegetso ya Ingonyama Trust jaaka sethalo sa go netefatsa gore mongwe le mongwe o **fitlhelela lefatshe**.
- 6** IFP e tla **eteletsatsa pele MaAforikaborwa** ka go prioritize tshireletsego, go akaretsa le go fedisa bothata ba boleleri bo e leng tshosetso ya tshireletsego bosetšhaba le kutlwalelo e e tsemetse mo taoloditšheleteng.
- 7** IFP e tla neelana ka **thuto ya motheo ya mahala**, e ntse e fetola NSFAS gore e diragatsa go ya ka maitlomo a yona a go matlafatsa bašwa.
- 8** IFP e tla neelana ka KABELO ya R3000 go dialogane tse di sa thapiwang, mo pakeng e e beetsweng go ba thusa go bona tiro e e nang le bokao.
- 9** IFP e tla lebisisa dingwe tsa dibilione tse di dirisiwang mo diSETA, go netefatsa gore dialogane tsotlhe di newa dithutelatirong tsa dikgwedi tse 12 mo dimmasepaleng le mafapha a puso ya porofense le bosetšhaba.
- 10** IFP e tla **laola tlhotlhwa ya datha**. Tlhotlhwa e e kwa godimo ya datha e kgatlhanong le batlhoki.

01

DITIRO:

RE TSHEPE GORE O DIRE

Boipuso jwa sepolotiki ga bo a tlisa bosiamisi kwa loago le ikonomi go botlhe. Ka na, Aforikaborwa e na le seemo se se bonalang sa tlhokotekatekano mo lefatsheng. Bokamoso jwa rona, boipuso le seriti ya rona di ikaegile ka bokgoni jwa rona jwa go dira. Ikonomi ya rona e eme, mme e tlhola maemo a a etegetseng a botlhokatiro, segolo mo bašweng.

IFP e rotloetsa dipholisi tsa kakaretso tsa ikonomi e e laolwang ke mebaraka go matlafatsa MaAforikaborwa le go etleetsa kgolo ya ikonomi le tlhabololo ka kakaretso. Re dumela gore kgololosego ya seikonomi ke pinagare ya go samagana le go sa lekalekaneng ga maloba. IFP e tla dira gore Aforikaborwa e dire.



IFP E E MO PUSONG E TLA:

- Diragatsa moonoo wa ntlhaphisegelo wa 80/20 wa tlholoditiro. Ditlamo di tshwanetse go Thapa bonnye 80% ya MaAforikaborwa.
- Beela ditšhono mo seemong sa matseno le mo mefameng ya dikgono tse tse di kwa tlase go MaAforikaborwa, go totilwe thata bašwa.
- Beela mmara wa dikgwebopotlana le mabenkele a a sa tlhomamang go MaAforikaborwa.
- Tota tlhagiso ya selegae le go rotloetsa dikuno tse tlhagisitsweng mo Aforikaborwa; se se akaretsa go tshegetsatsa difilimi tsa selegae, bophasalatsi le madirelo a botlhami go gaisana le lefatshe lotlhe.
- Repisetsa SMME ditlhokego tse di gagametseng le go tlosa melao e e gagametseng e e sitisang dikgwebopotlana.
- Tsosolosa tlhabololo ya ikonomsiselegae le go aga sešwa Setheo sa Tlhabololo ya Dikgwebopotlana, go fokotsa go palelwa ga dikgwebopotlana le go tlhama dikgwebo tsa boleng.
- Matlafatsa diporofense, dikgaolo le dimmasepala to tshegetsatsa kgolo ya temothuo ka dithulaganyetso, dikema tsa metsi, thuto le neelomatlole.
- Itsise Kabelo ya Tlhabololo ya Ikonomsiselegae go tshegetsatsa dikgwebisano tsa dikgwebo tsa metseselegae.
- Go diragatsa go ya ka diphitlhelele pegelo ya Khomišene ya Dikgaisano mabapi le ditlhotlwa tse do kwa godimo tsa datha mo Aforikaborwa, tse di kgatlhanong le bahumanegi, ka go diragatsa kgaolo ya 50% ya ditlhotlwa.
- Go tshegetsatsa katoloso ya madirelo a motekwane le mmoana, e e tla tlhagafatsang kgolo ya ikonomi selegae le tlhomo ya ditiro.
- Neelana ka Kabelo ya Dialogane tse di sa Direng ya R30000 mo pakeng e e tlhomameng go di thusa go bona ditiro tsa boleng.
- Kaela sešwa dingwe tsa dibilione tse di dirisiwang mo diSETA go netefatsa gore dialogane tsothe di nwa dithutlotlirong tsa dikgwedi tse 12 mo dimmasepaleng, mafapha a diporofense le bosetšhaba.
- Tshegetsatsa temothuo ya seemotlase jaaka mkgwa wa go tsosolosa ikonomi, re ntse re etse tlhoko gore baeteledipele ba setso ke pinagare ya tsamaiso ya lefatshe le tlhabololo ya ikonomi ya selegae.
- Fetola gotlhelele melawana e e gagametseng a bodiri e e thibelang tlholo ditiro.
- Rotloetsa kganelo ya merero ya ditšhelete le go lekanyetsa sekoloto sa setšhaba.
- Gana ka ditopololo tsa Ditheo tsa Puso mme boemong, go di tsosolosa, go tseweletsa kgaisano le itshimololelo fa go kgonegang, go ntse go tlhamiwa kgwebisano ya setšhaba le poraefete mo Ditheo tsa Puso tse di sa tsosolosegeng.
- Bula mmara wa maatla le go atolosa tlhagiso ya maatla.
- Beeletsa mo beeletsa mo dithulaganyetsong re ntse re tlhama maemo a a siametseng babeletsi.
- Matlafatsa Ithala Bank, go netefatsa gore e boela e dira sentle gape le go nna sethalokao sa Banka ya Puso gore e diragatse go ya ka maitlhamo a yona a go tokafatsa baagi ba batlhoki.

BOSENYI, BOBODU LE TSHOTLAKO KA BONG:

RE TSHEPE GO GO SIRELE TSA

Bobodu, mmogo le go tlhokobokgoni le tlhokomologo, di gogotse bokgoni jwa puso go direla. Ka ga moo, ba ba boantlha go gaisa ba ganelwa ka ditšhono tsa tlabololo le tsweletso. Diemo tsa bosenyi le tlhorontsho di ile magoletsa, segolo mo basading le bana..

IFP e dumela gore go tlhokega ntshwafatso gotlhe, ka gangwe, go matlafatsa thulaganyo ya bosiamisi, tshireletsego, sesolo, le ditirelo tsa botlhodi. IFP e tla tsaya ditsela tse di tiileng go sireletsa basadi, bana le ba ba boantlha.



IFP E E MO PUSONG E TLA:

- Dira le baagi go fedisa bosenyi ka go dira mmogo le diforamo tsa sepodisi sa baagi le go tliša ditsela tse di siretsegileng gore baagi ba bege ditiragalo tsa bosenyi.
- Tshegetsa dikgotlatshekelo tsa setso le go tiisa ditiro tsa boeteledipele ba setso mo dipusong tsa porofense le selegae, tse di tla thusang go fitlhela kagiso le tshireletsego.
- Bulela therisano ya bosetšhaba ka ga go busediwa ga kotlhao ka polao go reba bosenyi ka tlhorontsho.
- Lebalebisa melawana go netefatsa gore batlhorontshi ba basadi le bana ba ganelwa ka topololo, segolo ba polao.
- Netefatsa gore dikgotlatshekelo tse di kgethegileng, tse di lebaganeng le Bobodu le Tlhorontsho ka Bong, le Polao ka bong di dira ka botlalo.
- Netefatsa gore bathankedi ba SAPS ba ba tlhophetsweng, ba fiwa katiso e e khethegileng go samagana le GBVF le gore bewa mo diteišeneng koo GBVF e leng kwa godimo.
- Netefatsa go bafalodi ba GBVF ba fitlhelela ditirelo tse ba di tlhokang bonolo.
- Go tiisa katiso le tshegetso, mmogo le go oketsa metswedithuso ya bathankedi ba SAPS.
- Tokafatsa dithulaganyetso tse di leng teng tsa SAPS, didiriswa le thekenoloji gore badiredi ba SAPS ba kgontshiwe ka botlalo go diragatsa taolelo ya bona.
- Bopa tlwaelo ya boikarabelo, boithutedi le maitsholo a setho, go matlafatsa botshepegi mo setšhabeng le boikanyego ba tiragatso ya molao.
- Diragatsa ka tlhoko le go gatelela pholisi ya go sa amogele bobodu gotlhelele, go akaretsa le go koba ka gangwe le go sekisa bathankedi ba ba bobodu go sa kgathalesege maemo le botokololo jwa sepolotiki.
- Oketsa metswedithuso ya SANDF le didiriswa, go tlhabolola katiso, go tlhama kokoanyo ya bothodi bo bo nonofileng, fedisa bobodu le bosenyi, le go tokafatsa tlhokomelo ya balwelakgolosego.
- Netefatsa gore SANDF e rupeletswe le go baakanyediwa ntwaga ya ka metlha, ya thutatshelo, mafaratlhatlha le se-ileketeroniki.
- Tliša pele tekanyetso ya Tshireletso go lekana le seelo sa boditšhaba sa 2% ya GDP; go beeletsa mo manaane a thapo a Sesole; go tlhama sešwa le go dira popego ya setheo sa SADF e nne ya boithutelo.
- Romela SANDF ko baaging moo go nang le makoa a magolo a loago, bosenyi le digongwana.
- Netefatsa Bothati ba Bosetšhaba ba Bosekisi bo bo maatla, bo kgona, bo kgontshiwa le go etleediwa ka matlole.
- Tshegetsa bosiamisi bo bo kgopololang jaaka serefosi se se nonofileng sa mekgwa e e gagametseng ya setso.

BATSWANTLE BA BA SENG MOLAONG:

RE TSHEPE GO TLISA AFORIKABORWA PELE

IFP e dumela gore go palelwa ga Naga go laola bofaladi bo lerile sesitla sa bosetšhaba. Kemo ya IFP ke gore, le fa tekano e le botlhokwa, bafaladi ba ba seng molaong ke barobamolao ba ba tshosetsang pabalesego le tshireletsego ya Naga, le tlisa kgatelelo mo metswedithusong ya Aforikaborwa.



IFP E E MO PUSONG ETLA:

- Tlisa ka gangwe, SANDF mo matsenong le meelwane go tiisa meelwane ka go aga dipotsa tsa meelwane, go natlafatsa taolo ya meelwane le go netefatsa tshiamo ya meelwane ya rona
- Beeletsa mo thekenolojeng ya maemogodimo ya taolo-meelwane, go akaretsa le thekenoloji ya dibobori le tlamela taolo ya meelwane ka metswedithuso go thibela bofaladi ka tlolomoalo, kgwebo-ka-batho, tshutlhisano ya diritibatsi, borukhutlhi le ditiro tse dingwe tsa bosenyi mo meelwaneng.
- Beeletsa mo Botlhatlhobing ba Bosetšhaba ba Bofaladi bo bo ikemetseng, bo kgontshitswe.
- Pateletsa mekgwataolo e e gagametseng mo matsenong. Tiragatso le disenthara tsa bonno jwa bakopa botshabelo di tshwanetse go agiwa mo matsenong mo Bakopa botshabelo ba tshwanetseng go letela diphetolo tsa dikopo tsa bona.
- Netefatsa pusetsoyane le tsamaiso ya thulaganyo ya pusetsoyane e e nonofileng.
- Thibela tiro ya dikgwedwe tse di fitlhelwang di thapile bafaladi ka tlolomolao, sebaka se se rileng. Dikotlo ga di bontshe di kgona go nna tshekisi.
- Netefatsa tseo-karolo e e oketsegileng ya mefama yotlhe ya puso: dimmasepala, diporofense di tshwanetse go thusa ka go supa, diragatsa le go busetsa-morago bafaladi ka tlolomolao.
- Netefatsa gore dikotlhaotse di gagametseng di a patelediwa go motlankedi mongwe le mongwe wa Merero ya Selegae yo o rekisang dikwalo tsa Aforikaborwa. Mmogo, Thekiso le Theko ya dikwalo ka tlolomoalo di tla tsewa jaaka bosenyi kgatthanong le Naga.
- Tsosolosa Lefapha la Merero ya Selagae go nna lefapha le le ntšhwafaditsweng, le lekanetse tiro, ka go beeletsa mo thulaganyetsong le thekenoloji.
- Netefatsa gore di-visa tsotlhe, dikopo tsa batshabi le bakopa botshabelo, le tshalomothlala ya tsona di isiwa mo mafaratlhatlheng
- Diragatsa thadiso ya ditumelelo: batswantle botlhe ba ba tshotseng ditumelelo tsa Aforikaborwa ba tshwanetse go dira gore di netefadiwe sešwa mo dikgweding tse thataro. Fa batshola ditumelelo ba sa dire jalo, tumelelo e tla phimolwa ka gangwe. Se se tla thusa go utulola ditumelelo tse di bonweng ka tlolomolao.
- Diragatsa paka ya tebalelo ya dikgwedi tse thataro: paka ya tebalelo e tla letla gore ba ba leng mo Aforikaborwa ka tlolomolao, ba tswe ka naga kgotsa ba kope maemo a semolao.
- Lekeletsa melawana ya go pateletsa dipeeelo tsa palo ya batswantle ba ba thapiwang ke kgwebo nngwe le nngwe.
- Netefatsa gore di-visa tsa dikgono tsa botlhokwa di neelwa mo pakeng ya dibeke tse nne.

THEFOSOMOTLAKASE:

RE TSHEPE GO SIRELE TSA BOKAMOSO JWA MAATLA

Aforiakborwa e lebagane le sesitla se se feteletseng sa maatla. Ka ntlha ya bobodu, taolo botlhaswa, le go tlhoka ponelopele ya mosolo-togamaano, neelo ya motlakase mo nageng ya rona ga e ikanyege, ga e tswelsetsege e bile e retelwa ke go tshegetsa ikonomi e e nonofileng e bile e gola. Metswedi ya thefoso ya maatla e tshwanetse to amogelwa fa re ntse re ya pele.



IFP E E MO PUSONG E TLA :

- Tlhomamisa kiriti ya maatla a motlakase. Eskom ke letlotlo la bosetšhaba le le ntseng le laolwa botlhaswa go ya kwa seemong sa phuthlamo gotlhelele. Eskom e tshwanetse go laolwa ka tsela ya tirisano puso le poraefete.
- Fokoletsa gape batlhoki tlotlwa ya motlakase le baagi ba ba sa bolong go thapololelwa.
- Repisa taolo ya leokwane. Madirelo a leokwane a laolwa phetelela. Thomeloteng ya leokwane e tshwanetse go bulelwa mongwe le mongwe yo ka kgonang go neela dinetefaletso tse di tlokegang, le yo o ka agang matlhwekisetso a a fitlhelelang dipeelo tsa bothokwa tsa tshireletsego go ya ka molao.
- Kgaola ditefiso tse di sa tlokegang tsa leokwane gore di se dirisiwe go etleetsa tshenyegelo mo dikarolong tse di bofitlha tse di sa amaneng le madirelo a leokwane.
- Tswetsa tthagiso ya malatla, go amogelwa gore malatla ke motsweditlhoa wa maatla. Fa malatla a ntse a dirisiwa go fetlha maatla, a na le bokgoni jwa go tthagisa dikuno tse di farologaneng tsa dikhemikhale.
- Tlhophatoloso ya tiriso ya gase go apaya le go thutafatsa mo magaeng.
- Rotloetsa maatla a dithebene tsa phefo le marangtsatsi, a a tthagisang tšhono e kgolo ya peeletso ya batho mo phetlhong ya maatla a a dirisiwang le go a tsenya mi kiriting.
- Tsenya dipanele tsa marangtsatsi mo matlong otlhe a re a agang a puso.
- Netefatsa gore maatla a kerene a sala e le karolo ya motswako, o le mo diatleng tsa Naga.
- Tshegetsa phetlho ya motlakase ka metsi, ka tiriso ya metsweditlho ya metsi mo nageng. Mesola e tshwanetse go sekasekwa, e batlisisiwe, e tswetswe le go tthagisediwa baagi le dikgwebo. Baagi ba selegae le batlhoki ba tshwanetse go ungwelwa go tswa mo dielong tse di fokoditsweng.

05

THUTO:

RE TSHEPE GO GO TLAMELA LE GO GO MATLAFATSA

Thulaganyo ya thuto ya Aforikaborwa e tlhoka go agwa sešwa. E senya isago ya bana le naga ya rona. Bontsi jwa bana ba rona ga bana dipanka, dibuka le matlwnaboithusetso, mme le thuto ya bona a golegilwe ke mekgatlo ya badiri e e ke teng e a itaola. Seelo sa go falola marematlou se fokeditswe go 30%. Ga go makatse gore ikonomi e bo e dira bokoa ka ntlha ya go tlhoka dikgono.

IFP e dumela mo thutong ya motheo ya mahala, e e lekalekanang e bile e le ya boleng go botlhe, le thuto e kgothane e e etleediwang ke puso go bahumanegi le malapa a letseno-tlase go lepana le tlhoko-tekanotekano ya maloba. Go akaretsa ke kgopolokgolo ya ponelopele ya thuto ya IFP.



IFP E E MO PUSONG E TLA:

- Diragatsa thuto ya motheo ya mahala le thutokgolwane e e etleediwang ke puso go bahumanegi le malapa a letseno-tlase jaaka ntlhagolo ya pholisi ya rona ya thuto.
- Tokafatsa seemo sa go ruta le go ithuta, re ntse re neela metswedithuso e e lekaneng.
- Neelana ka thuto ya baithuti ya mahala le go tsamaisa sentle dikema tsa kotlo mo dikolong tsa setšhaba
- Diragatsa pholisi ya dipalangwa kwa dikolong e e akaretsang, e tlisa pele tshireletsego.
- Netefatsa gore melawana e e gagametseng e a gatelelwa go thibela maemo a a sa sireletsegang jaaka pitlagano.
- Neelana ka mekgwa e e farologaneng ya dipalangwa jaaka dibaesekele, segolo kwa metseng.
- Rotloetsa popego e e tiileng ya lelapa le meono ya seriti le ubuntu / botho jaaka pinagare ya thulaganyo ya thuto e e dirang.
- Rotloetsa tseokarolo ya batsadi ba ba dirang, bagokgo ba ba matlafaditsweng le barutabana ba ba katisitsweng sentle e bile ba le boineelo.
- Gatelela boitiso mo dikolong ka dikaelo tsa maitsholo mo dikolong.
- Tshegetsa setso sa go ruta le go ithutela matsetseleko.
- Tlhatlosa diemo: maduo a go falola a beelwe go 50%.
- Refosa Thutatshelo (Life Orientation), go tthagisa dirutwa tsa pateletso tsa merero ya ditšhelete le katiso ya kitso ya buisa le go bala tsa kgwebo, le dikgono tse di sutasutang mo kharikhulamong ya sekolo.
- Netefatsa tuelo e e botoka le maemo a tiro a a botoka a barutabana botlhe, go akaretsa le ba Kereiti ya R.
- Lepolola ketleletso-tlase ka go aga sešwa tekenyetso ya thuto go tokafatsa thulaganyetso le metswedithuso ya dikolo.
- Lekanyetsa-sešwa le go kgontsha dikolo tsa metse le metsemagae tse di neng di tswetswe pele ka ntlha ya go sa kgone kgotsa go sa diragatse.
- Tlisa pele manaane a Early Childhood Development (ECD) go tlhama motheo o o tiileng, le go netefatsa gore bana botlhe ba fitlhelela manaane a ECD.
- Tokafatsa phitlhelelo ya thuto ya boleng go baithuti ba bogole kgotsa ba ditlhokego tse di kgethegileng tsa thuto.
- Netefatsa tsweletso ya marutelo a bokamoso a thekenoloji-godimo ka go rotloetsa tiriso ya thekenoloji (dibuka tsa se-ileketeroniki le go ithuta se-ileketeroniki) re ntse re netefatsa gore dikolo tsoatlhe di fitlhelela inthanete.
- Beeletsa mo thutela-tirong ya barutanana, manaane a tshegetso le tsweletso, le go bula-gape dikholetšhe-katiso tse di neng di tswetswe.
- Tlamela ka bonno jwa barutabana, segolo kwa dikarolong tsa metse go nna katso ya go gogela dikgono tse di tlhokegang mo dikolong.

- Fokotsa tshunyo-nko ya sepolotiki mo tsamaisong ya thuto le mo thapong ya barutabana.
- Netefatsa nyalanyo ya dithata le ditiro magareng ga mefama ya Puso ya porofense le bosetšhaba. Baagi ba porofense le ba selegae ba tshwanetse go letlelelwa go tseweletsa tsamaiso ya thuto le mefuta ya dikolo e e tshwanetseng ditlhoko tsa bona.
- Tlhama-sešwa NSFAS ka go isa tsamaiso le taolo ya yona do ditheo tsa thuto-kgolwane, e le go netefatsa kgontsho e kgolwane, tlhoko-bofitlha le karabelo.
- Oketsa peeletso mo dikholetšheng tsa TVET go neela dikgono tse di maleba, di tlhokega mo madirelong.



BOITEKANELO:

RE TSHEPE GO THUSA FA O TLHOKA

Thulaganyo ya boitekanelo ya Aforikaborwa e lebagane le dikgwethlo tse dintsi tse di kgoreletsang bokgoni jwa go neela ditirelo tse di lekanetseng tsa boitekanelo go baagi. Ka maswabi, seemo sa thulaganyo ya rona ya boitekanelo se supa naga e e mo sesitleng.

Ketleetso e e bokoa, taolo le tlhokomelo ya dipetlele le ditilini tsa Puso di tlišitse phutlhamo le go sa dire ga ditheo tse di ntsi, fa bontsi bo bo tšweletseng go dira bo le leswe ka metswedithuso e e potlana, mme bo tlhola dintsho go balwetse ba ba tšwanetseng go thusiwa. Didirisa tsa botlhokwa le ditheleswa ga di fitlhelele ba ba di tlhokang ka ntlhaya bobodu, tsietso ya dithendara le taolobotlhaswa ya tsamaiso.

Boitekanelo jo siameng le intekanelo ke pinagare go katlego ya loago le se-ikonomi sa setšhaba sa rona. MaAforikaborwa otlhe a tšwanetswe ke phitlhelelo ya boitekanelo jwa boleng, ba boitlhamedi.



IFP E E MO PUSONG E TLA:

- Rotloetsa neelo ya boitekanelo go botlhe. Mongwe le mongwe mo Aforikaborwa o tshwanetse go bona phitlhelelo e e lekanang ya ditirelo tsa pholo, di fitlhelega, di le boleng, di etleediwa ke puso.
- Samagana le bobodu mo thulaganyong ya boitekanelo le go nna go utlolwa tshenyegelo tse di se nang molemo, tsa tshenyho le go sa lolama.
- Baakanya dikgwethlotlhoa jaaka thapotlase, metswedithuso e sa lekaneng, dithulaganyetso e e bokoa mo thulaganyong ya boitekanelo.
- Lepolola tlhaelo ya barutegi ba boitekanelo go akaretsa dingaka, baoki, le badiri ba tlaleletso, e e koafatsang boleng jwa tlhokomelo, ka go thapa badiredi ba katisitsweng ba boitekanelo ba ba sa direng.
- Tokafatsa maemo a tiro go badiri botlhe ba boitekanelo.
- Netefatsa tshegetso le tuelo ya dingaka le baoki.
- Netefatsa tlhokomelo ya dithulaganyetso e e leng teng.
- Eta pele tirego ya thadiso ya Inšorensense Bosetšhaba ya Pholo (IBP) go lepolola sethalokao sa ketleetso go ntse go thadisiwa seabe sa baneela ditirelo tsa pholo tsa settle batho le ba dikema tsa thuso ya boitekanelo.
- Rotloetsa Thulaganyo ya Kgaolo ya Pholo le sethalo sa Tlhokomelo Kalafi ya Motheo jaaka pinagare ya thulaganyo e e dirang.
- Tsosolosa Thulaganyo ya Kgaolo ya Pholo go netefatsa gore Tlhokomelo Kalafi ya Motheo e isiwa kwa bathong ka go lere dithulaganyetso e e tlokegang, melemo le ditirelo tse dingwe mo mofameng wa kgaolo.
- Netefatsa tholelo ya dithata tsa diporofense le dimmasepala go tsamaisa ditheo tsa pholo nonofo. Maikarabelo a go netefatsa ditirelo a tshwanetse go isiwa kwa mofameng wa puso o o kwa tlase, o o maleba e bile o kgona. Dithata tsa go tsaya ditshwetso di tla rolelwa go tswa go mafapha a porofense go ya go balaodi ba kgaolo le balaodi ba ditheo tsa pholo.
- Netefatsa gore bonnye go na le sepetlele se le sengwe sa kgaolo mo nngwe le nngwe ya dikgaolo tsa pholo tse 52 mmogo le bonnye, sepetlele-segolo se le sengwe mo porofenseng nngwe le nngwe.
- Atolosa ditirelo tsa tlilini go baagi ba ba thapoletsweng.
- Fokotsa dituelelo tse di kwa godimo tsa melemo go MaAforikaborwa.
- Tlhama disenthara tsa porofense tsa itshimololelo le patlisiso tsa pholo.
- Tokafatsa thebolo ya ditirelo le go netefatsa dithulaganyetso ya tlaleletso mo Ditirelong tsa Bosetšhaba tsa Dilaboratori tsa Pholo
- Oketsa phitlhelelo ya melemo ya tlaleletso le ya setso.
- Oketsa tshegetso ya ditirelo tsa pholo ya meno.
- Lefisa dinaga tse baagi ba tsona ba leng mo Aforikaborwa ka tloamolao mme ba dirisa ditirelo tsa naga tse di ngamogileng.

BONNO JWA BATHO:

RE TSHEPE KA MAGAE A A SIRELETSEGILENG, A LE SERITI

MoAforikaborwa mongwe le mongwe o tshwanetswe ke lefelo le le sireletsegileng la bonno, go godisa lelapa, le go fitlhelela dikeletso tsa bona. Ga go tlhaloganyege gore mo dingwageng tse 30 tsa temokerasi, dimilione tsa MaAforikaborwa di sa ntse di nna mo mekhukung le ditakana, mo go se nang kgeleloleswe, motlakase kgotsa metsi. Toro ya tshiamiso ya loago e diegisitswe, mme bontsi bo feletswe gotlhelele ke Tshepo mo bokgoning jwa puso go diragatsa. IFP e tla diragatsa le go tliša pele magae a a seriti go botlhe.



IFP MO PUSONG E TLA:

- Etleetsa kagomatlo go baagi ba ba tlhaelang go ka reka matlo.
- Diragatsa sekema sa thapela-go-reka ka go tswelletsa manaane a a tlhohlhwatlase a kagomatlo le lephata la poraefete ka peelo ya go nna mong.
- Netefatsa tswelletso ya mekgwa mengwe ya loago, e e kgonegang ya kagomatlo le ditšhono ka tirisano le lephata la poraefete.
- Supa dikarolwang tsa lefatshe la Puso go tlhabololwa ke diporofense le dimmasepala.
- Neelana ka ditsha tse di diretsweng go diforamo tsa baagi le ditokofela go ikagela matlo.
- Rotloetsa tswelletso ya kagomatlo ya kakaretso mo metseng. Tswelletso go baagi ba metse e tla tlišwa pele.
- Netefatsa gore letseno la nonofelo ya ketleetso ka botlalo e fetolwa go tswa go R0 – R3 500 ka kgwedi, go ya go R0 – R5 500 ka kgwedi.
- Tlhagisa Lenaane la Tshiamelo ya Kagomatlo go ba ba duelwang go feta seelo sa ketleetso.
- Tlosa mokgwa wa kgethololo wa tlhabololo ya dihostele le go letlanya dihostele tse di leng teng le baagi.
- Netefatsa gore diporofense le dimmasepala di rwala maikarabelo a go tlhabolola ditakana.
- Golaganya diitshimololelo tsa tlhabololo ya se-ikonomi selegae jaaka katiso ya dikgono tsa dikago, go lebisa kwa kagong ya matlo a a etleediwang le go matlafatsa ditlamo tse di potlana mo lephateng la dikago le makala mangwe a a amanang le tsa kago.
- Dirisa Dithekenoloji tse Dingwe tsa Kago (DDK) tse di babalesegileng le go tswelletsega go akaretsa le go fokotsa nako ya kago ya magae a batho.
- Diragatsa lenaane la bonno jwa baithuti go tswelletsatsa bonno jwa baithuti ka go dira dikabelo ka mokgwa wa thuso ya go fitlha go 30% go moagi wa poraefete.
- Etleetsa bengmatlo pulamadibogo ka go ba thusa ka tirego ya dikopo le go fokotsa ditshenyegelo tsa diphetisetso go dibonto tse dišwa.

DITHULAGANYETSO:

RE TSHEPE KA THEBOLO YA DITIRELO

Dithulaganyetso tse di dirang di botlhokwa mo thebolong ya ditirelo tsa motheo ka kgono. Go palelwa ga puso go rebola ditirelo e setse le tlwaelo gonne e setse e letlile dithulaganyetso tsa naga go senyegela seemo sa go phuthlhamana. Go retelelwa ke go abela tswelletso ya dithulaganyetso le tlhokomelo ya metswedithuso koo di tlhokegang teng, le go lepolola ditshalelomorago tse dikgolo tsa go aba dithulaganyetso tsa ditirelo tsa motheo tse di lebisitse kwa sesitleng.

Puso ya IFP e tla go direla. Re tlotla seriti sa gago le tshwanelo ya gago ya go fitlhelela metsi a a phepa, motlakase, le matlwano boithusetso, bonno, le dithulaganyetso tse dingwe. Ke maikarabelo a rona go netefatsa gore MoAforikaborwa mongwe le mongwe a fitlhelele ditirelo tsa boleng gongwe le gongwe kwa a nnang teng.



IFP E E MO PUSONG E TLA:

- Netefatsa phitlhelelo ya botlhe go metsi a a babalesegileng, a rekega, le kgeleleloleswe ka 2030, le go refosa ditanka tsa baagi tsa metsi ka ditharabololo tsa leruri.
- Netefatsa gore metswedithuso ya metsi e a sirelediwa le go somarelwa, go ntse go gagamadiwa matlhomeso a melawana ya boleng le pabalesego ya metsi le kgeleleloleswe.
- Ranola tiro ya puso ya porofense mo taolong ya metsi le kgeleleloleswe, ka go netefatsa taolo ya ka metlha ya puso le phosololo ya bathelesi botlhe ba metsi.
- Neela dimmasepala tsotlhe metswedithuso ya matlole le kago bokgoni gore di kgone go rebola metsi a a phepa ka tsewetsego.
- Laola sentle Dikabelo tsa Dithulaganyetso tsa Motheo tse di newang dimmasepala. Diporojeke di tla diragadiwa ka yuniti ya kgaogano taolo e e neetsweng metswedithuso ka botlalo, ya kgaolo yotlhe. Se se tla thepoga maemo a a renang a bontsi ba dimmasepala ba retelelwang ke go dirisa dikabelo le go busetsa diketleetso go taoloditšhelete ya Bosetshaba.
- Tlisa pele tlhokomelo le go tokafatsa dithulaganyetso tse di leng teng.
- Simolola, ka gangwe, thuno ya bosetšhaba ya metsi, go baakanya dithulaganyetso tsa metsi tse di senyegileng, go beeletsa mo dithulaganyetsong le thekenoloji ya sešweng go tlhabolola kgono ya dithulaganyo tsa rona tsa metsi.
- Tlhama setheo se le sengwe sa metsi ka ditheo tsa diporofense go laola selegae.
- Fedisa thulaganyo ya matlwanaboithusetso a dikgamelo sa leruri.
- Rotloetsa dithekenoloji tsa tlhatso / tirisogape le diporojeke tsa phetolelo ya leswe-go-maatla.
- Dirisagape metsikwebu le go diragatsa ditsela tsa go fokotsa tshenyego ya metsi.
- Thibela ka tlhoko, dithegerege mo dinokeng, ka tlhamalalo mo meselometsing a dikgogola mme boemong go kaelwe meseloleswe go isa kwa matlhatswetsong.
- Netefatsa go tlhamiwa ga dikomiti tsa baagi tsa metsi le bophepa.
- Dirisana le baagi, segolo basadi le maloko a baagi ba dikgono tse di farologaneng, go thusa ka thebolo ya ditirelo tsa botlhokwa, kagomatlo, le go ala dipeipi tsa metsi, motlakase le bophepa.

DIPALANGWA:

RE TSHEPE KA THULAGANYO E E DIRANG YA DIPALANGWA

Go phuthlhamana ga mafaratlhatlha a diporo le go imetsa mafaratlhatlha a ditsela go golofatsa ikonomi ya Aforikaborwa le go utlwalela maphelo le boiphediso.

Kutlwalelo ya go retelewa ga puso go tlhokomela le go tlhabolola thulaganyo ya dipalangwa ya Aforikaborwa e kgolo thata gore mogwa wa dibaka o a tlhokega, o o tlišang pele go tsosolosa, ka gangwe, mafaratlhatlha a botlhokwa. Ka puso e e lolameng, IFP e tla tliša ka koketsego, dithulaganyetsothloa le mekgwa ya tšhegetso ya ikonomi mo mafaratlhatlheng.



IFP E E MO PUSONG E TLA:

- Potlakisa tlhabololo ya madirelo a dipalangwa le go tokafatsa kgono ka go tlhama ditirisano tsa setšhaba le poraefete.
- Tlhamalatsa melawana go nolofatsa matlhomeso a melawana go gogela dipeeletso tsa boditšhaba le go rotloetsa kgaisano, go faposa tlhamo ya dikgwebonosi mo mofameng o.
- Tokafatsa ditirelo tsa dipalangwa tsa batho tsa bapalami ba metsetsetoropo le baagi ba metse, go netefadiwa phitlhelelo le pabalesego.
- Tokafatsa dithulaganyetso tsa dipalangwa tsa setšhaba ka go netefatsa gore thulaganyetso ya tsela, seporo, le boemelakepe di tlhokomelwa sentle e bile di kgona go tshegetsa ditiro tsa ikononi le loago.
- Tlhabolola dipalangwa tsa thoro ka go tlhabolola thoro ka diporo le ditsela go tshegetsa kgolo ya ikononi go totilwe kgono le tshireletsego.
- Atolola diphofa tsa selegae ka go bula mmaraka wa tsona go ditlamo tsa poraefete le go dirisa pholisi ya loapi le le bulegileng go thusa kgokagano ya selegae le boditšhaba.
- Tswetsa mafaratlhatlha a dipalangwa tsa lewatle, le go rotloetsa madirelo a lewatle ka tirisano ya setšhaba le poraefete le dikatso tse di ikaeletseng go tokafatsa bojanala le kgwebisano.
- Rotloetsa mkgwa wa dipalangwa wa setšhaba le e mengwe jaaka katoloso ya dithulaganyo e e lotagantsweng ya thoro ka bonako.
- Tokafatsa pabalesego-tseleng ka go diragatsa ditsela tse di gagametseng tsa pabalesego.
- Tsepama mo pabalesegong ka go oketsa ditsela tsa pabalesego mo ditseleng tsa badirisi ba kgwebo le go thibela thoporori le go netefatsa polokego ya dithoto le bapalami.
- Tlhokomela kgolo ya badirisipotlana ka go neela ditšhono go bagwebi ba ba potlana mo lekaleng la dipalangwa, segolo mo ditirelong tsa dithekesi le dibese.
- Beeletsa mo thutong ya setšhaba ka ga polokego mo tseleng kwa dikolong, bobegakgang le matsholopapatso a setšhaba.

BOETELEDIPELE BA SETSO LE PUSO:

RE TSHEPE GO TLOTLA DITHEO TSA SETSO

Go tloga kwa tshimologong, mo ditherisanong tsa molaotheo go isa kwa temokerasing, IFP e gateletse gore kgosi ya kwaZulu le setheo sa bogosi se amogelwe le go nna le seabe mo Afroikaborwa wa temokerasi. Go dingwaga IFP e ntse e gatelela seabe, dithata le ditiro tsa baeteledipele ba setso di ranolwe mo molaong. IFP e tlhomame mo go beyeng boeteledipe ba segosi mo gare ga leano la pusoselegae.

Motlhami wa rona, moswi Morwakgosi Mangosuthu Buthelezi, o sireleditse Ingonyama Trust go netefatsa go lefatshe la baagi la Bogosi ba KwaZulu, ka fa tlase ga Motlotlegi, Kgosikgolo, le tsamaisiwa ke baeteledipele ba setso, e netefatsa go neela malapa phitlhelelo go lefatshe la go nna le go tthagisa dijo.





IFP E E MO PUSONG E TLA:

- Sireletsa le go tsweletsa setheo sa boeteledipele jwa setso.
- Tlotla, kgontsha le go duela baeteledipele ba setso sentle.
- Tlisa pele tshireletso le polokego ya baeteledipele ba setso.
- Tshegetsa tiro ya baeteledipele ba setso, go rotloetsa, le go tsweletsa botho jwa setšhaba sa rona.
- Thusa baeteledipele ba setso go rotloetsa diikonomi tsa baagi manaane le diporojeke tsa go ithusa le go ikemela.
- Thusa baeteledipele ba setso go rotloetsa kagiso, tlhomamo le tshwaragano magareng ga baagi.
- Sireletsa go fetolwa ga Dikgaolo tsa 7 le 12 tsa Molaotheo go tlhalosa seabe, dithata le ditiro tsa baeteledipele ba setso.
- Thusa baeteledipele ba setso go tlhabolola mafatshe a baagi le go neela baeteledi le baadi ba bona didirisa, dipeo, menontsha le dikatiso go lema.
- Tokafatsa maikaelelo a, le kgodiso ya sethalokao sa Ingonyama Trust go diprofense tse dingwe ka therisano le baeteledipele ba setso go netefatsa pabalesego bonno.

PHITLHELELO YA LEFATSHE:

RE TSHEPE MO LEFELONG LA GAGO LE LELAPA

Thuo ya lefatshe ke nngwe ya dintlha tse di bosisi mo Aforikaborwa. Dipholisi tsa Tlhabololo Lefatshe di ama mokgwa o Aforikaborwa e tlhagisang dijo, go sireletsa pabalesego ya dijo, le go fitlhelela ditšhono tsa ikonomi loago.

Tshwetso ka ga dintlha tsa lefatshe e rwele tsholofetso ya phodiso ya dintho tsa maloba. Lefatshe le na le boleng go loago, semowa le se-ikonomi. Le na le kgonego ya go nna motheo wa ikonomi e e tlhabolotsweng e naga ya rona e tlhokang thata.



IFP E E MO PUSONG E TLA:

- Laela thuno e e tletseng ya lefatshe go batlisiwa mang o ruile eng, le go dirisa diphithlelelo go tsepama lefatsheng la Puso, go le aba sešwa mo go tlokegang le go tshegetsa diporojeke tsa baagi go lemela kgwebo.
- Aba sešwa lefatshe lotlhe le le sa dirisiweng le le mo diatleng tsa Naga go unela batlhoki molemo.
- Aba tshegetso e e rileng ya temothuo ya sešwa le diitshimolelo tse dingwe tlhabololo go lepolola tlhokotekano ya maloba.
- Netefatsa tshegetso e e bonalang ya Naga, segolo go ba ba simololang mo madirelong a temothuo.
- Netefatsa gore puso e tshegetsa mekgatlho mo dikarolong tsa metse le metsemagae.
- Tlhama dithulaganyetso tsa katiso ka go tthagisa thuto ya temothuo ko dikolong le go bula gape dikholetšhe mo seemong sa thutokolwane.
- Sireletsa lefatshe la baagi go netefatsa gore le tla nna le le mo diatleng tsa batho; ka fa tlase ga taolo ya boeteledipele ba setso; ka dipuso tsa diporofense di neela tshegetso go baeteledipele ba setso le balemirui ba ba thutugang le go ba godisa go nna mo maamong a balemirui ba bagwebi.
- Konosetsa ditopo tsothe tse di saletseng morago tsa mafatshe le go bulela dikopo le ditopo tse dingwe.
- Tswelela go tshegetsa pholisi ya thopo ya lefatshe ka tuelelo e e isegang.
- Kopanya mafapha a Temothuo, Merero ya Mafatshe le Merero ya Setso go nna lefapha le le lengwe go fokotsa ditshenyegelo go Kabinete le go tthamaganya ditiro tsa mafapha a.
- Tsepama mo temothuong e nnye le e e magareng, le ya go iphedisa jaaka leanotota go namola baagi ba metse.
- Rotloetsa ditirisano le ditataiso ka balemirui ba maitemogelo go gogela le go katisa balemirui ba bašwa, le go tsweletsa madirelo a a tshegetsang.
- Tsosolosa disenthara tsa tshegetso ya temothuo tsa selegae go thusa balemirui go bona diterekere, dithekenoloji tse dišwa tse di tla thusang balemirui go godisa tthagiso ya bona.
- Rotloetsa tseokarolo ya maphata a poraefete le setšhaba mo tswelatsong ya ditirego tsa temothuo ya naga.

TIKOLOGO:**RE TSHEPE GO SIRELE TSA BOKAMOSO**

Dingwaga tse lesome tse di tlang tsa ditiragalo tsa batho di tla nna botlhokwa go phalolo ya rona mo polaneteng e. Lefatshe le lebagane le sesitlatharo sa tikologo se se akaretsang tatlhegelo ya tlhago, kgoreletso ya tlelaemete le kgotlhelo e e feteletseng. Go ntsifala ga polastiki e e dirisiwang gangwe e tlaelelsa mo go bonalang go sesitla se se golang sa tikologo, ka dimilione tsa ditone tsa dipolastiki di felela mo lewatleng, dinoka le dithotobolo ngwaga le ngwaga.



IFP E E MO PUSONG E TLA:

- Dirisana le batsayakarolo, go akaretsa badiri, mekgatlho ya badiri, baagi, le dikgwebo go tswelatsa dipholisi ke maano a go rotloetsa phetogo go isago e e lekanetseng, e e tswelatsang.
- Sireletsa ditshedi tsa naga, go rotloetsa bojalanala jwa setho, bo bo tswelatsang, le go netefatsa gore ditshika tsa isago di tla tswelela go itumelela tlhago ya rona.
- Diragatsa dipholisi le ditlwaelo tse di fokotsang ditiro tsa batho go utlwisana tlhoko Great African Seaforest le ditshedi tse dingwe tsa lewatle.
- Tshegetsa diitshimolelo tse di rotloetsang ditlwaelo tsa botshwaratlhapi jo bo tswelatsang, dikarolo tse di sireleditsweng tsa lewatle, thuto le matsholotemoso go oketsa go tlhaloganya ga setšhaba ka ditshosetso tsa tikologo.
- Tsaya tsela ya go phosolola go fokotsa tiriso ya polastiki e e dirisiwang gangwe. Re itlama go diragatsa dipholisi le ditlwaelo tse di rotloetsang dithefosi tse di tswelatsang.
- Oketsa matsapa a tiragatso molao go reba go tsoma ka tlolomolao, go tlhama dikgotlatshekelo tse di kgethegileng tsa ditshedi tsa naga le go etleetsa matsholotemoso a setšhaba.
- Rotloetsa tirisogape le go latlha leswe la polastiki ka tshwanelo.
- Khutlisa letsomo la ditshukudu ka tlolomaolao ka go dirisa mekgwa e e farologaneng go thibela thekiso ya dinaka tsa ditshukudu, go akaretsa go gatelela matsapa a go oketsa molao, dikotlhao tse di bokete go batlolamolao, le go oketsa matsholotemoso a setšhaba.
- Emisa letsomo la ditau tse di godisiwang di golegilwe, phediso ya thomeloteng le thomelontle ya dikarolo tsa ditau le magata a tsona.
- Netefatsa matlafatso ya baagi ka thuto ka ga tshomarelo.

WENA LE BOKAMOSO JWA GAGO

IFP e dumela mo matlafatsong ya batho gore ba ithuse le go itlamela, e le nngwe ya difilosofi tsa rona. Re dumela gore ba ba boa bontlha mo setšhabeng sa rona, ba tshwanetsego tlhokomelwa le go tshegediwa.



IFP E E MO PUSONG E TLA:

- Netefatsa thulaganyo ya sešwa ya kabelo e e dirang e e lekanetseng tiro le go duela baamogedi ba ba tshwanetseng, ka nako.
- Thadisa ditlhopho tsa dikabelo tsotlhe le go oketsa dikabelo fa go tlokega. Kabelo ya Bogodi le Kabelo ya Bana di tla okediwa.
- Golaganya dikabelo tsotlhe go nna ditšhono le dikatiso go tokafatsa baamogedi.
- Fedisa kgolo ya makoa a loago ka go netefatsa gore baagi ba na le phitlhelelo ya modirediloago.
- Netefatsa gore badiregi loago botlhe ba ba katisitsweng ke Naga ba thapiwa ke puso mo mafapheng a a botlhokwa le dimmasepala.
- Romela tlotlo ya bophepa go basetsana ba sekolo botlhe ba batlhoki.
- Netefatsa tshegetso e kgolwane ya di-NGO tse di tlhokomelang ba ba boantlha mo setšhabeng.
- Arabela kgolo ya tatlo ya bana ka go laola Babolokabana, ba ba itseweng gape ka mabokoso a bana gore di-NGO di sireletse matshelo le go tshegetsa bombe ba ba itemogelang sesitla sa boimana.
- Netefatsa pabalesego ya dijo go MaAforikaborwa. Dijodikgolo tsotlhe go malapa a bahumanegi a tshwanetse go kgaolelwa VAT.
- Lepolola phepelotlase ya bana ka go tshegetsa malapa a a palelwang ke go otlala bana ba ba boantlha ka namolo ka dijo ka lenaane la ditshupo la SASSA.
- Rotloetsa ka mathagatlhaga le go tlhokomela tshwaragano ya loago le mow awa bosetšhaba ka manaane a dipuisano, jaaka re dumela gore maatla a rona a setšhaba a mo dipharologanong tse di kgethegileng tsa rona.



TSHEPA DITSHUPO TSA DITIRO TSA RONA

Inkatha Freedom Party ga se setlabošeng mo pusong. Re batla go direla gonne re a itse, go tswa mo maitemogelong, re ka tokafatsa tsamaiso ya puso.

Porofense ya KwaZulu-Natal, mo pusong e e eteletsweng pele ke IFP, e itemogetse tlhabololo le katlego. Ka tshupo ya ditiro tsa rona mo thebolong ya ditirelo le tshiamo, re go kopa gore o Re Tshepe gape ka 2024.

A KE MANGWE A MABAKA A A MMALWA A GORE KE ENG

O RE TSHEPA GO BUSA



Motlhami was IFP le Moporesidente wa Leruri, moswi Morwakgosi Mangosuthu Buthelezi, o tthamile iThala Bank go fitlhelela ditlhokego tsa ditšhelete tsa baagi fela, go beetswe pele botlokwa jwa go boloka. Itshimololelo e e na le kutlwalo e kgolo mo baagi ba ba farologaneng, segolo mo KwaZulu-Natal. Morwakgosi Buthelezi o ne a ineetse go godisa bopakagwebo. Ka tirisanommogo le baeteledipele ba dikgwebo tsa selegae, o tthamile dikgwebo tse mmalwa , a tlhagola tsela ya gi tlhola ditiro le katlego ya se-ikonomi. Ponelepele ya Morwakgosi Buthelezi ka ga iThala Bank e nnile tshupo ya maitlamo a gagwe a kakaretso ya se-ikonomi.



Morwakgosi Buthelezi o tthamile Yuniversithi ya Thekenoloji ya Mangosuthu ka 1979; nngwe ya diyuvesithi tsa thekenoloji tse thataro mo Aforikaborwa. Morwakgosi Buthelezi o ne a bonetsepele yunivesity mo gare ga motseselegae go neela katisopilediwa go tlhabetlola maphelo ya ba ba kgetholotsweng.



Morwakgosi Buthelezi o tsere itshimololelo ya go bula lekala ya Yunivesithi ya Zululand kwa Umlazi, go thusa bašwa le bagolo ba ba neng ba thibelwa go fitlhelela thuto e kgolwane le katiso ya pilelediwa.



Pele ga khololosego ya Aforikaborwa, Inkatha e gwethlhile Thuto ya Bantsho ka go tlisa pele thuto mo pusong ya yona ya KwaZulu. Re agile go fetisa dikolo tse 6000 pele ga 1994 – go fetisa palo ya dikolo tsa setšhaba mo KwaZulu-Natal gompiono.



Ka boeteledipele jwa gagwe mo pusong ya the KwaZulu, Morwakgosi Buthelezi o tthamile Koporasi ya Ditšhelete le Dipeeletso ka 1985, a babalela taolo e e ikemetseng ya KwaZulu go aga motheo wa madirelo le go neela MaAforikaborwa a bantsho ditirelo tsa ditšhelete le letlotlo la tshimololo go reka dipolasa, go simolola dikgwebo, go aga matlo, le go ikemela mo mererong ya ditšhelete.



Puso ya KwaZulu e setse morago mokgwa wa matlafatso ya se-ikonomi ka bophara, e jaanong e itsiweng ka Matlafatso ya Se-ikonomi ya Bantsho, e e beeleditseng mo diporojekeng tsa dikgwebo mo metseteropong. Se se netefaditse gore bontsi jwa batho fela mo mafatsheng a KwaZulu a nna le dišere mo dikgwebong jaaka mapaka kwa uMlazi le Madadeni.



Puso e e eteletsweng pel eke Inkatha e neetse dipetlele, ditlilini, ditešene tsa sepodisi, le tirelo ya seporofeshonale go baagi, tsotlhe tse e nnile motheo wa puso e ntšhwa e e tlhophilweng ka 1994.



Ka 2002, Tonakgolo ya IFP ya KwaZulu-Natal, moswi Ngaka Lionel Mtshali o supile maatla a go ikemela ga porofense ka go utolola phasalatso ya diritibatsi go thibela kanamo ya HIV/AIDS go tswa go mme go ya maseeng, go boloka makgolo le dikete tsa matshelo. Ka fa tlase ga boeteledipele jwa gagwe, puso e e eteletsweng pel eke IFP e netefaditse go neelana ka melemo ya di-ARV go ditlilini tsothe tsa KwaZulu-Natal. Go ya ka dikatlego tse, re kgonne go neela bopaki go Kgotla ya Molaotheo mo tshekong e e tlleng ka Treatment Action Campaign, e e thusiteng Kgotla go laela Puso ya bosetšhaba go gata mo motlhaleng o go neela di-ARV go MaAforikaborwa otlhe. Mo pakeng ya puso e ganetsa AIDS le modula wa HIV le AIDS, Morwakgosi Buthelezi e nnile moeteledipele wa ntlha wa bosetšhaba go itsise gore morwa wa gagwe o bolailwe ke AIDS. O gagotse lesira le tidimalo, a bula tsela ya matsholotemoso a tshedimotsetso le thuso.



Motlhami wa IFP's o simolotse Ingonyama Trust go tshola lefatshe la setšhaba la Bogosi ba gaZulu mo diatleng tsa batho, go na le go le bona le rolelwa go taolo ya Naga. Gompieno, lefatshe la Naga tsa le dirisiwe ka bottlalo, ga le tllhabololwe fa lefatshe la Ingonyama Trust le tshegetsa dimilione tsa batho e bile e ntse e le lefatshe le le fitlhelegang se-ikonomi go gaisa mo KwaZulu-Natal.



Mo Pusong ya IFP, batho ba atameditswe gaufi le ditšhono ka go tllhama metseteropo jaaka KwaMashu, Madadeni, Osizweni, Nseleni le Sikhawini. Morwakgosi Buthelezi o tsweleditse Ulundi go nna mošate le bonno jwa theramelao ya KwaZulu.



Ka fa tlase ga IFP, KwaZulu-Natal e ne e na le thulaganyo e e gaisang ya thuto mo nageng, e e neng e supa ka gale gore baithuti ba kgona go fitlhelela maduo a a kwa godimo ntle le tlhoko ya go fokotsa maduo a phalolo go oketsa seelo sa Porofense yotlhe sa go phalolo



Go latela dithlopho tsa bosetšhaba tsa 1994, Morwakgosi Buthelezi e nnile Tona ya Merero ya Selegae dipaka tse pedi (1994 - 2004). E nnile Mopresidente wa nakwana wa Aforikaborwa makgetlo a feta 22. Ditona tsa IFP di tsamaisitse Ditirelo tsa Kgopololo le Botaki, Setso, Saense le Thekenoloji.

**SA RONA KE BOETELEDIPELE JO BO
TSHEPAGALANG!**



RE TSHEPE
RE A GO DIRELA

NAKO YA GO MATLAFATSA

LE GO #AGA SEŠWA-SA

TLHOPHA  

NNA KAROLO YA PUISANO MO MAFARATLHATHLENG



KANTOROKGOLO

No.2 Durban Club Place, Durban

031 365 1329

info@ifp.org.za

WWW.IFP.ORG.ZA

